四 庫全書

薈


要・乾

隆 御 览

本经部

經部


祥校官原任侍講臣王燕橋




卷之四 商領 魯領 周領 文但以詩之篇題或章次標目衍朱子集傳 學士朱善撰善字備萬豐城人其書不載經 大意而為説亦有置而不説者則併篇目闕 臣等謹案詩解頭四卷明洪武中文淵閣大 日錄 然愈於鐵巧支離破碎經義者遠美乾隆四 意條達而簡要不煩雖考整發明不及古人 之者不待玩諸心而喜形於色今觀其書辭 子於發明肯綮處報録之不數年成集俾誦 矣乎卷末有其門人丁隆跋稱其每授諸弟 棟先儒説經之法至是而一變是編其嚆矢 而敷行文句之體盛明人口義講章汗牛充 之蓋自經疑作而揣摩問答之例與經義行

三次定四事全書 人

詩解題





於宫中此身修家齊之效也桃天兔且若首其詩作於 終馬是時王道明盛國不得異政家不得殊俗故以南 國治天下平之漸也若麟趾則又王者之瑞也故以是 國中此家齊國治之效也漢廣汝墳其詩作於南國此 化之所以行而俗之所以美也由闊雎而螽斯其詩作 **淑者善也是女徳之最著者也凡温恭慈惠端莊静** 之一字該之則南方諸侯之風皆可得而見矣

或愆無一理之或遺其配至尊也以此其奉宗廟也亦 能體坤道之順以承乾也 無一事之或忽其自强不息以此其純亦不已亦以此 以此此所以為坤之順也故曰窈窕淑女君子好述言 此所以為乾之健也能淑則能事上接下而無一事之 日淑而已盖能敬則能静存動察而無一時之或怠 日敬而已大似聖女也而詠其徳者一言以厳之不過 悉舉之矣文王聖人也而詠其徳者一言以敬之不過

一 党 定 四 車 全 書

詩解頤

Ξ

之也有序其服之也不厭此所以為勤且儉也 而已動女工之思見其念念不忘也 黄馬飛鳴乃春暮初夏之時曽方長而未盛未可刈也 而後漢漢而後續續而後成布成布而後為衣其為 趋單首章 三章 二章

師氏學我者也則必每事而詢訪見其不敢專也父母

生我者也則必及時而問安見其不敢忘也君子宗主 我者也則必因師以致告見其不敢發也 總論

時事三章是既為締絡以後事所謂勤儉孝敬亦非后 **妃之自言也乃讀詩者即為締為絡之辭而知其能勤** 此詩三章首章是未為締絡以前事二章是正為締絡

敬因其歸寧父母而知其能孝前闖睢之所謂淑指其 即澣濯無數之辭而知其能儉因其告師氏而知其能

, · N D · . . . . . . .

計解随

然来之又采而不盈項筐何也則以其心在乎君子而 卷耳易得之物項筐易盈之器其采之非必難且勞也 天下之本也 不在乎物也於是舍之而置彼大路之旁馬其心之專 也所謂后妃之本者勤儉孝敬正修身之事身固家國 他之全體言也此所謂勤儉孝敬又各就其一事言之 而不暇於他可知也 卷耳

不如忌而子孫有眾多之威蓋正家之道始於閨門尊 樛木美后妃不妬忌而衆妾有祝願之誠螽斯美后妃 其情也噫此所以為不可及也 雖憂而不至於傷雖思而不至於悲者后妃之所以性 惻至到之意而無悲愁悽愴之懷蓋所以愛思者情也 此詩見后她之於君子思之切憂之深望之至然有態 樛木螽斯

総論

灾定四車全書 詩解頭

之也數 冝者和順之意和則不乖順則無逆此非勉强所能致 之德所以為盛而有周八百年之業所以必自此而基 之綏子孫之衆自有不期然而然者矣噫此文王大 之位雖不可以不定而必需其澤於衽席之際故上無 甲之分雖不可以不嚴而必均其施於房帷之間貴賤 好之心則下無怨恨之意和氣充溢瑞慶流行福歷 桃 夭

**於包司李金書** 于歸之際見者知其必有以冝室冝家馬此亦可以觀 有是效也后妃躬行而倡於上之子則傚而應於下故 者言冝以其效之著於外者言惟其有是徳故可必其 子之所謂冝猶后妃之所謂淑然淑以其德之藴於中 也必孝不衰於舅姑敬不違於夫子慈不遺於單幼義 不咈於夫之兄弟而後可以謂之冝是豈易而能哉之 兔罝 詩解頭

**豈弟君子遐不作人旱麓之詠文王曰周王壽考遐不 炙聖人之化固宜其成就之若此也核樸之詠文王曰 虽兔即武夫之事武夫即置兔之人肅肅以言其敬料** 此哉蓋幸而遇聖人之世又幸而生聖人之國則其親 赳以言其勇曰干城以其才之著於外者言也曰好仇 作人是人才之作興固本之文王之徳尤本之文王之 曰腹心則以其徳之藴於中者言也以武夫之賤而才 可以為干城徳可以為好仇為腹心是何人才之威苦

矣前日之可求衰世之俗也今日之不可求聖人之化 漢之廣者不可泳江之永者不可方以比女徳之端莊 涵養之也深雖以置兔之野人而嶷然可以為公侯之 良輔則其在官使者從可知矣 壽也有文王之德故其造就之也速有文王之壽故且 一者不可求也言今日之不可求則知前日之可求 漢廣

東 己日 こうとう

入觀聖人之化不於其他而必於江漢之游女何也

天下之家正而天下治矣非聖人之化而能若是哉 曰天下之治正家為先録一 一篇而南國之詩僅居其二何也曰漢廣汝墳 一漢廣以見天下之家正也

之間是非一國也而其被聖人之化則一而已矣不錄

則無以見其風俗之善盡錄則又有不勝其可錄者馬

女而巳也録一汝墳以見其意之忠厚其志之專


漢廣以見其徳之

墳而見化之行於南國者又如此詩亦何以多為哉 額馬可抵而不以抵則其額亦仁厚也有角馬可觸而 麟性仁厚故其趾亦仁厚然非獨其趾之仁厚而巳有 故觀於桄夭而見化之行於國中者如此觀於漢廣汝 不以觸則其角亦仁厚也此見物性之仁者其體 麟趾 一體之不仁也文王后妃仁厚故其子亦 行役之婦人而已也是時王化自北而南

尺之日二十二十二日

寺界頭

而固無



之巧用規矩以成其室屋者也然則讀大學者固不可 讀聖賢之書必自大學始誦三百篇之詩必自二南始 不知二南而學二南者又豈可徒誦其文而不孝聖人 行心得於上而化行俗美於下乃羿之發而必中大匠 V NJO LA LA TY 一南是言聖人修齊治平之事大學是聖人立法以教 一南之與大學實相表裏蓋大學是言修齊治平之理 如射之必至於較大匠必用夫規矩二南是聖人躬 寺平頭

周南之與召南合而言之則周南猶易之有乾召南 召南 鵲巢

易之有坤分而言之則國君能正心修身以刑其家是 也推而至於大夫妻亦然凡為夫者皆屬乎乾道凡為 乾道也夫人能專静統一以配其君是亦一坤道

妻者皆屬乎坤道蓋陽健而陰順陽唱而陰和陽主其

始陰成其終此天地之常經其理則通上下而無間

道則亘古今而不易能盡斯道者夫愛其內助婦愛其 哉采之於沼沚之中用之於宗廟之内舉一事之始終 始鵲巢讀詩者其可易而觀之哉 以誠敬之心奉祭祀之事則何以配君子而為宗廟主 心國君之於夫人固曰將以共承宗廟之重也茍不能 刑家交相愛而家道成矣然則周南之始關雎召南之 次 足ョ・ニューラー · 篇漢之薦者夫人之職夙夜將事之敬者夫人之 采繁 詩解页

卷耳后妃之思其君子也草蟲大夫妻之思其君子 舉全體之始終而見其無不敬也知關雖為軍為天 風化之首則知鵲巢采鰲亦一國風化之首其謂之 而見其無不敬也竦敬於未祭之先舒運於既去之 一汝墳曰殷其靁又行役者之妻之思其君子尊里 雖殊而室家之情則一于以見地有遠近心無遠 草蟲

變者以行役之無期故既有別離之苦而又有怨恨之 懷也為人上者必有繁矩之恕則能以己之心度人之 時有古今心無古今正風之所以為正者以行役之有 有其處盛之有其物湘之有其器復足以見其有常蓋 時故雖有別離之思而無怨恨之情也變風之所以為 采之而後盛之盛之而後湘之既足以見其循序米之 心征役不至於繁與而人遂室家之樂矣 采婚 诗解育

者所以為嚴敬之驗也奠之必於宗室之牖下則見其 整飭以事言心之嚴敬者所以為整飭之本事之整飭 由其嚴敬之存乎中是以整飭之著于外嚴敬以心言 敬其師者視其書冊而不敢越愛其親者視其杯機而 也質之美自季女言之也化之遠本聖人言之也 **小能舉召伯之於南國有師保之尊有父母之親民之** 之益嚴也主之必以有齊之季女則見其人之能故 甘棠

思之固未嘗一日后也其人雖不可得而見其德猶可 得而想則其跡之所寓有若甘棠者馬其人豈忍輕棄 見文王之風化逐矣召伯之政教深矣南國之風俗厚 乎想且說也其愛之愈久而愈深如此讀是詩者可以 之且有所不可也所以然者以召伯嘗於此乎爰於此 且有所不可也終而曰勿拜則非特勿敗而已雖拜屈 伐其條翰也繼而曰勿敗則非特勿伐而已雖敗折之 之哉始而曰勿翦謂不可翦其枝葉也曰勿伐謂不可

**灾定日車全書** 

詩解頭

當是時南國之人染商之惡俗方深被周之善政猶淺 男此不遵召伯之教不服文王之化者也监文王召伯 負信之女此能遵召伯之教服文王之化者也強暴之 **美噫是豈後世所能及哉** 教化能行於貞信之女而不能行於強暴之男邪蓋 行露

則其或變或不變固不可以一

律齊也譬之陽氣之復

陽之微雖不足以勝五陰之盛然其氣之上騰已駸

陽雖無私而其照陰崖也獨後陽春雖無私而其至陰 **駸乎不可過矣積而至於薰蒸透澈則陽盛陰微而為** 純者也漢廣之游女歎其終不可求此被化而先變者 夬為乹自有不期然而然者矣桃夭之冝室冝家純乎 行露之負女見訟而召致於獄此被化而未純者也 女也蓋幸而遇聖人之世不幸而遠聖人之居也太

自室家之別離而言故取其信言固各有所指也 之衆多而言故取其盛自聖化之漸濡而言故取其 念者婦人愛夫之情二者固並行而不相悖也 其他也歸哉歸哉望其至也往後者君子事上之義思 二南言振振者凡三螽斯之振振以衆盛言也麟趾之 振振以仁厚言也殷其靁之振振以信厚言也自子 卸定四月全書 斯達斯念其久也莫敢或遑閔其勞也振振君子美 総論

之可依外之無婚姻之可托其勢孤其援寡處於昏亂 我庶士則是尚有求之者將不待父母之命而輕以其 試思之男有家女有室必有待乎父母之命今而曰求 始而追吉猶有待也繼而追令則已迫矣終而謂之則 以為貞乎意斯女也必不幸而父母俱亡内之無兄弟 身許人也豈有當聖人之世輕以其身自許於人而可 愈迫矣是蓋汲汲於求售者而豈可以負信許之邪當

1

亦可念也巳若是則亦聖人之所許也 '俗惴惴乎惟恐其身之不保故其形於言者如此其 江有氾

卸定匹庫全書

始而不我以者私欲之害乎良心也終而遂能悔者天 理之勝乎私欲也自一人之身言之則可以見其私欲 而天理復自天下之勢言之又可以驗夫聖化行而

美俗成使其終逃而不悔則是詩也且為抆淚謳吟之 而用遂變矣寒谷之無温覆盆之不照雖非造化之

甚微而可以驗王化之行不行則所繫為甚大聖人錄 時文王未嘗稱王故其詩不謂之雅而謂之風兔罝所 之蓋亦幸其悔悟之早而王者之化得以周徧而無礙 罪亦豈不足為造化之累哉故一人之悔不悔其事 事然以詩之例考之二南之詩皆述文王大姒之化是 何彼穠矣之詩或以為武王之後或以為平王襄公之 スかのこうなる 何彼穠矣 詩解颐

屬之齊風尤不可以入召南也令而列於召南則豈特 謂公侯正指文王言也公稱公侯則子自應稱公子 襄公之事則作於王國乎當屬之王風作於齊國平 非周公之篟固亦非夫子之篟其為後人誤入無疑 後之詩則當屬之小雅固不可以入召南若以為平王 自應稱伯姬叔姬兇不稱王姬也此詩若以為武王以 ,嗟騶虞之辭與于嗟麟兮無以異而彼以為興此以 騶虞

為賦者于嗟麟兮此與中之比也于嗟騶虞此賦中之 之徳大夫之妻無不有采蘋之敬立乎朝廷者無不節 南方之諸侯固非一國也而國君之夫人無不有鵲巢 由是而禮樂著由是而雅頌之聲作豈徒曰風而已哉 之仁無以異於騶虞所以見王道之成由是而法度彰 比也公子之仁無以異於麟趾所以見家道之風諸侯 儉而正直處乎閨門者無不專静而純一為嫡妻者無 t 総論 寺鲜夏

如騶虞則王道成矣先儒所謂舉一世而言固無 守無強暴之相陵則推而上之從可知也積而至於 逐之處民庶微賤之 不有建下之仁為媵妾者無不有安分之義雖里卷僻 **。雖文王意誠心正之功而召伯循行宣布之力亦不** 誣也然則後之人君如欲復三代之治者其可不取 不仁舉一人而言又無 /家而其女子之賢猶以貞信而自 事之不仁者惟此時為然

之世關雎之和樂楊木之不妬忌小星之安分而無怨 莊姜之憂何憂也愛己之不得於其夫也已之不得於 此乎始亂廢嫡立庶之禍又將於此乎始朔思昔先王 夫似若未害也而夫婦之道於此乎始虧嫡妻之分於 何時也而今也乃使我以其柔順之質淑善之心處

史包司李本書

詩解踊

倫之變而不得以道其常涕泣以言之辟標以風之

端也至於四章乃言愠于羣小則莊姜之所憂者不過 而先王之正風顧自我而始變則是網常之既隳名分 無窮之憂也而亦何能自已於言乎夫子錄之且列於 於衽席而禍延於後世斯憂也豈惟一人之憂乃邦國 之既紊典法之既廢事始於閨門而毒流於一國怨生 此詩首章但言隱憂而不言所憂者何事蓋娥舜以發 愛風之首固將以垂戒於天下後世也 四章

要妾之亂嫡而已是以憂之之深而寤辟有標則固非 莊姜不得志於夫而無怨夫之意不見禮於兄弟而無 之所能解也此二爱字盖終首章隐憂之意也 飲酒之所能消也憂之之久而不能奮飛則固非敖游

反者惟知心志之不可以不專一威儀之不可以不開

絕兄弟之情不見爱於衆妾而無怨衆妾之心所以自

詩解陶

**灾定四車全書** 習使惡我者無得而簡擇怒我者無得而瑕疵其亦可

而已矣 前之憂憂今日遇此而無聊也後之思思古人處此之 謂善自處矣噫此所以居變風之首也數 塞實淵深以徳之盤於中者言温和惠順以徳之著於 有道也然古人之處此亦豈有他道哉亦曰安於義命 外者言藴於中者所以為淑慎其身之本著於外者所

為之主俾戴妈以為之助則閨門正矣立子完以為之 詩未嘗不歎莊公之狂惑也使其翻然悔悟立莊姜以 之禍不謂之狂惑而何乎 武公之衛矣顧乃以罷奪正以孽奪宗卒貼國家無窮 教之不可教則去之夫如是則衛非今日之衛即康叔 以為淑慎其身之驗戴端之他如此可謂賢矣余讀是 嫡命石借以為之輔則國本定矣若州吁者可教則姑 終風

大三日二十二日 1

詩解颐

變風之始於莊姜何也曰婦人夫其所天也而以夫則 乎天理之常則莊姜亦賢矣哉是可以為處變者之法 之狂暴無禮而能不失其慈雖遭人倫之變而能不失 也而以子則暴而無禮莊姜之處此亦難矣然有夫之 狂惑妄其所使也而以妄則上僭子其所恃頼以終身 狂惑而能不失其正有妾之上僣而能不失其仁有子 擊鼓首章

也宜哉 後土功於國者此民也築城於漕者亦此民也南行而 州吁之本心虐民者州吁之素志此詩所謂踊躍用兵 逞吾之志若斯之甚者也是亦可謂忍矣大抵好兵者 則必先其所急後其所緩未聞衆役並與罷民之力以 平陳與宋者又此民也先王之於民也不得已而用之 也阻兵則無眾安忍則無親衆叛親離其卒至於敗亡 其阻兵之實土國城漕而又南行則又其安忍之驗

次至日季 ~ 10

詩解師

之禍也故危之若曰此行也將以平陳也然使陳之君 從軍之士以州吁負不義之名於天下知其必有敗亡

然使宋之君臣果有明大義者馬則吾又將死亡於宋

也卒之討賊之舉不見於他國而見於陳則亂賊之不

之危其身即所以危孫子仲危孫子仲即所以危州吁

矣自傷不幸而遇此不得與其室家遂前日之約故危

臣果有明大義者馬則我必敗亡於陳矣將以平宋也

容於天下豈特君子知之雖軍士亦未當不知之也噫 老受養之時人子報恩之日也而乃或不安其室馬雖 之祭華者亦已悴矣氣力之壯盛者亦已衰矣此正母 長育教誨之功不與馬七其三年則為二十一年矣以 母之於子其乳哺之恩抱負之勤必三年而後免而其 孰謂天理民奏之在人心果終可得而泯哉 二十一年乳哺之勞抱負之苦而又俟其成立則顏色

善者乎使七子之中果無一人之不盡善則必能先意 隱之事以明之噫舜有不可事之親而乃能使之變惡 自責呼已晚矣君子取之亦以其猶賢於冥然悍然全 承志諭父母於道而非僻之心無自的矣既不能先意 承志以消弭其週于未前及其過之已形也乃悔悟而 不悔悟而不能自责者云爾而或者乃引大舜負罪引 日母以淫風流行之故無亦七子之事其親果有未盡


以為善七子之親非处不可事也而不能潛消默止其

露更歷寒暑什伍相联患難同之飢不能以獨免勞不 禮義蓋閨門之内以愛為主則雖思之之切是亦情之 其勉之也至何憂乎爾也誠以軍士之行役也家犯霜 正也惟其思之也切故其憂之也深惟其憂之也深故 雄雄四章前三章皆所謂發乎情後一章乃所謂止乎 知此義而後可與言事親矣 雄雉 手牌页

過於冥冥之中是豈可與大舜同日語哉為人子者必

者服馬弱者安馬乃可以自免於患矣噫不忮不求此 能以獨逸而又徒侣之中善惡之相雜強弱之相半尚 無皆取禍之道也必能不忮害不貪求則徒侶之中强 行者之涉水必度乎水勢之深淺而屬揭之男女之昏 孔門克已之桁求仁之方而行役之婦人能言之其亦 非善處其能自免於患乎沒者嫉人之有求者恥已之 可謂賢也已此其所以為先王之遺澤也數 鸵有苦葉首章

金文四三人名三



陰陽和而雨澤降天道之自然也夫婦和而家道成人

詩解師

主

**東定回言全書** 

當如是也 當如是也不以色之衰而棄其德之善審於明人倫者 道之當然也不以根之惡而棄其至之美審於擇物者

谷風雖棄婦所作而觀其自序有治家之勤有睦鄰之

善有安貧之志有周急之義皆其節之可取者也至於

初無可棄之罪也徒以其夫之安於新唇不以為潔而

見葉矣而奉拳忠厚之意猶該然溢于言聲之表則是

者也故自康叔武公而下求其能自保足矣而又何敢 非能强發者也其人心怠墮委靡則非能自振援奮厲 賓大河其人氣輕浮則非能任重者也其人質柔弱則 衛不能修方伯連率之職是誠可罪也雖然方伯連率 謂可以怨者矣 棄之耳然其言之有序而不迫如此殆庶幾乎夫子所 職亦豈衛國君臣所能修哉衛固北州大國然而地 旄丘

大三四十二十二十

清神晒

**特魯而魯卒不能以存紀黎侯特衛而衛卒不能以救** 黎人之不可恃如此有國有家者其亦自强於政治而 為齊桓之舉者乎黎之君臣亦可謂不知所擇矣紀侯 靖已則錐以江黄之恃齊桓猶不免於滅亡而 况不能 堂其教人且夫小國不自强於政治而欲恃大國之安 簡写簡写言其志之大也有力如虎言其才之武也執 無恃人以為安也哉 簡兮

轡如組言其藝之精也赫如渥赭言其貌之充也皆自 譽之詞也而不免仕於伶官則亦可辱之甚矣使遇西 人兮西方之人兮安得言從之游以寫我心之憂乎此 其辭則懼然以為榮祸其意則歉然以為辱故曰彼美 而辭於是而執為於是而東翟於是而錫爵于公庭玩 不可得而見也盛王既不可得而見則賤後亦不可得! 周之盛王豈使我有是哉所以使我至是者正以盛王

一 完 里 車 全 書

其思也深矣其意也逐矣而世莫之知也噫此輕玩之|

禮緣人情而為之也夫既曰緣人情而為之則父母其 心所由生也數

不可以寧兄弟也曰人之情有出於天理之公者有出

於人欲之私者聖人制禮將以全夫天理之正而節其

人欲之流也據禮女子已嫁而反兄弟不與同席而坐

不與同器而食所以厚別也則閨門之内所可同坐而

本根也兄弟其同氣也皆人情之不可忘者而曷為其

**遇人欲也以此為防猶有禽獸其行如齊襄魯桓夫人** 恩揜義故制為父母終不得歸寧之禮所以存天理而 共食者惟母姑姊妹耳使父母沒而歸寧則誰與同坐 誰與共食而孰為之主乎聖人於此寧以義斷思不以 賢者之處此亦難而又家人之交謫則是內不見知於 投之以王事之重遗之以國事之難益之以家計之窘 之所為者然後知聖人制禮真可謂萬世無樂者矣 N. A. Davidor 北門 持解酶

宣公納子之妻以為妻則夫婦之倫滅矣因宣姜而發 道不立而君臣之倫亦廢矣入春秋以來三綱淪九法 天不合於人而不尤人盡心竭力以為其所當為而無 妻子也禄食不足以自存則是外不見知于君上也斯 二子則父子之倫滅矣夫而不夫父而不父則君人之 二者人之所為乎抑天之所為乎然不得於天而不怨 一毫忽悶之心此所以為賢也 二子乗舟

或曰壽仮之爭死可以為孝乎曰吾嘗聞孝於夫子矣 於惡使陷父於惡而可以為孝則是教天下後世之為 其責曾子蓋曰舜之於瞽瞍小杖則受大杖則走今宣 壽之死又與饭異彼誠不忍其兄之無罪而見殺而以 公逆理亂倫欲殺其子而為子者又成父之志以陷父 人子者皆從父之志以成國家無窮之禍也而可乎抑 總論

**斁未有甚於此時者也其卒胥而為夷也宜哉** 

節以先往冀其兄之徼倖於萬一其志亦可傷矣是則 為孝也 其兄讓其兄者不害其為恭而從其父者固未可遂以 則壽固不死也惟仮之不能逃也故不忍獨存而竊其 父母之情告之真兄之或聽而逃馬以避難使仮能逃 二子之死一也而伋之志在於從其父壽之志在於讓 鄘 栢舟

讀是詩者又安得不瞿然而驚躍然而喜而歎斯人之 置柏舟馬又以見人心之未當亡天理之未嘗滅也則 偕老人道至此而盡天理至此而滅矣聖人於其間而 前乎此者為静女為新臺後乎此者為牆有茨為君子 姜之守義裁以古制亦婦道之當然耳而讀詩至此使 女子之生以身事人一與之齊終身不改古之制也共 不多見乎噫不有疾風無以知勁草之後衰不有洪流 人欣然每若景星鳳皇之為瑞何也蓋衛詩三十九篇

REDITE

詩解暗

ŧ

宣姜本伋之妻也一失身於宣公而為新臺之有此再 於前是以無所顧籍於後甘以其身處於汚穢而不辭 失身於公子碩而為中毒之不可道蓋由其節義虧缺 之鄘風之首亦冝矣 洗之亦豈不足以挽風俗之衰而扶綱常之重則其置 則亦無復羞愧悔悟之萌矣 無以知底柱之屹立聴桑間濮上之餘音而歌柏舟以 牆有茨

是非不威也而不知宣姜之行果能視先君而無愧否 之果滅矣能無夷狄之禍乎 **靦面目曾無羞愧悔悟之前則是人心之果亡而天理** 否乎夫入而奉宗廟出而見賓客非不尊且嚴也而有 當其奉宗廟之時其首飾之有副也其身章之有翟也 也又非不盛也而不知宣姜之行果能視賓客而無愧 當其見窗客之時其禮服之有展也其裏服之有絲 君子偕老

き解す

**デ**ハ

遷國之初城郭不可以不完宮室不可以不修器用不 定之方中首章

可以不備文公之遷楚丘也以言其城郭則既頼諸侯

之師以成之矣以言其宫室則自戴公野處而至于今 以或傷則寧待其時而不速為國法之不可以或廢則 其成之固不可以不亟也而文公不然為民力之不可

**率從其制而不的此非其心之塞實淵深者固不足以** 

知此若乃器用之所資則或用之於宗廟或用之於朝

岩椅桐梓漆則四者材之至美者也其用至廣又豈特 他日不自我而用之邪榛栗之種為其可以供遵實也 潤色之功正有待於十年之後今日自我而種之安知 廷或用之於閨門之内其所給者非一處其所需者非 不足以致此噫若文公者其亦可謂賢矣 初固當先其急而後其緩求其略而不必責其詳則夫 事我乃於是而種木馬原文公之意豈不以創造之 >以為琴瑟而已哉凡若此者非其心之塞實淵深尤

たこり こころ

詩解頗

景觀卜所以求得乎善也繼而終馬允臧則是果獲乎 之以察其土冝也卜者問馬以决其吉凶也始之以堂 望者登高而望形勢也景者測景以正方的也觀者觀

所以有是勤者固此心之誠實淵深者為之也所以有

星言夙駕所以見其勤也駯北三千所以見其富也然

之正静自守共姜之節 義自持可謂知正命也已宣姜! 正命者也鑽穴隙相窺踰牆相從不知正命者也莊姜 昏姻之際男女之大欲存馬待父母之命 媒妁之言 知 而豈止於牧養之蕃而已哉 能誠實淵深則欲霸而霸欲王而王果何所為而不成 是富者又此心之誠實淵深者致之也夫人之秉心茍 失身而為新臺之有此再失身而為中毒之不可讀

· 定日車全書

詩解題

之風息矣 |以節夫人欲之流也人人能節夫人欲之流則淫亂 可謂不知正命也已所貴乎知命者謂能全其天理之

者也彼其承破滅之餘方將撥亂以為治轉危以為安 大夫之乗車馬建旌雄而來者乃朝夕與君圖議國政

此其弛張闔闢之機固非一人之私智所能獨運也聞

浚之郊有賢人馬駕言遼野而往從之使其可出邪吾

之意相表裹序以為文公時詩亦豈無所本敷 政事則豈惟一人賴之將舉國之人實賴之矣味其辭 以畀之乎夫賢者以其所學而告之大夫大夫以其所 當與之共事也如其不可出邪夫獨無以教我乎國人 見其樂善之誠如此故美之曰彼其所見之賢者將何 氣蓋與星言夙傷之意相類亦與敬教勸學授方任能 人而告之君君復以其所聞而謀之卿大夫而施之 戦馳

· 定四事全書

詩解爾

圭

亡者獨且奈之何哉余讀控於大邦爾 覆而不知恤有人心者宜不若是恕也然而养有重於 始之欲往發乎情也終於不敢往止乎禮義也宗國顛 )所得 傷夫人之志也夫控於大邦此男子之事也非婦人 義而不得為男子者又或弱

於欲而不能為自古敗國之君亡家之子卒於李靡而

不振者常以此也使許之大夫聞大夫之義能為之請

於天王告於方伯率與國以定其難則是使衛國既亡

世而能獨明厥德使衛之人君皆能有武公之德為夫 徳也二姜處人倫之變而能不失其常武公處昏亂之 共姜處母子之變者也衛風始於淇奧又以着武公之 也許之君臣不足以及此其後齊卒校衛而封之蓋桓 公管仲自為圖霸之舉而非臣子控告之力也 而復存既危而復安豈不足以大慰夫人之心也称惜 The orthographic of the contraction of the contract 邶風始於柏舟莊姜處夫婦之變者也鄘風始於柏舟 総論

淇與首章之方大學章句與或問盡之蓋切磋琢磨者 之並進則善其始者固所以成厥終也表裏之相符則 人者皆能有二柏舟之賢則新臺牆有於之詩可以不 無意乎 作而衛亦可以無夷秋之禍矣然則聖人刪録之際得 知與行之並進也瑟個赫宣者表與裏之相符也知行 衛 淇奥

實有以著於已也終言不可談兮美其成德之效有以 首章以竹之美盛與其徳之進修卒章以竹之至盛與 充乎内者固所以形諸外也两言有斐君子美其徳之 其德之成就故讀詩者又當合二章而並觀之所以能 生質之温潤者由表裏之相符也寬廣者科莊之反於 有是鍛鍊之精純者由其知行之並進也所以能全其 大巴司三公告· 總論 詩解爾

霍之如非若肉食之腴也其草衣萬樓非若安車駒馬 莊而又寬廣則是寬而有制也和易者威嚴之反威嚴 賢者隐處於澗谷其選单之居非若廣厦之安也其黎 是則其謂之唇聖也亦可以無愧矣 而又和易則是嚴而能泰也此所以為德之成也果能 之龍也而昌為其可樂也蓋其所養之充所守之正有 以自尊而不慕乎人爵之貴有以自重而不徇乎外物 考槃

漢徐稺之流也數 弗該謂其心之不忘乎此也繼而曰弗週謂所願之不 復宿見其無往而不獨亦無往而不樂也是故始而曰 也得於心而難於言雖言人亦未必信也斯人也其東 踰乎此也終而曰弗告謂不以此樂告人非不以告人 有加於此哉獨寐而磨獨籍而言言已而載歌歌竟而 誘榮辱不關於心毀譽不加於意則天下之樂亦孰 碩人

持件百

孟

守則固不能如嬖妾之左右逢迎以求媚說也其不合 莊公狂惑之人也嬖倖之是昵而貞信之是奪今莊姜 國人之所願交令有是勝送之盛而不見禮又何也蓋 美色人之所願得今有是容貌之美而不見親何也大 以其族類之貴容貌之美媵送之盛而端莊静一以自 夫贵族人之所願娶今有是族類之貴而不見答何也 金女四八八二三

之以卜筮是欲韵之神也而不知神之不吾告也及其 責之以良媒是欲謀之人也而不知人之不吾與也要 之尚合者利盡而交絕合之不可以尚也如此彼淫婦 見奪而歸兄弟是欲依其親也而不知親之醜吾行而 之見棄不足恤美而士君子之立身其可不知所以自 不見恤也亦將如之何哉女之尚合者色衰而爱死士 重也哉 竹竿 Ī

アフョンことは

詩解断

竹竿衛之物也淇水泉源衛之水也思昔幼時固當於 父母兄弟馬忘宗國而不思非仁也縱情欲而忘反非 而已邪不能不思者情也思之雖切而卒不往者義也 夜不息而我之阻隔曾二水之不如則其思之將何時 笑語遊戲於其間愈不可得也顧彼二水之流於衛日 父母既終則雖欲暫馬之往釣不可得也復欲髮馬之 此乎釣於此乎笑語且於此乎遊戲矣令而嫁於異國 , 熟無父母也亦熟無兄弟也而女子有行乃獨逐其

者並行而不相悖馬此所以為賢也 義两全而無恨矣然則母可以返國乎曰母之轍錐不 義也惟既有思國之仁而又能自克以禮自守以義二 義盡其孝養於慈母則內亦不失乎愛親之仁庶乎恩 勝恩襄公能盡其誠故于宗廟則外既不失乎承重之 當若之何曰宗廟之中不以思揜義閨門之内不以義 母出固與廟絕而母之與子則初無絕道也為襄公者 河廣

一飲定匹庫全書 首如飛達則髮已亂矣而未至於痛也甘心首疾則頭 之使交錯於道路而一草一木之微必先以奉乎親馬 憂思之苦亦已甚矣所以然者以其君子之未歸也然 已痛矣而心則無恙也至於使我心海則心又病矣其 思之錐切而無雄堆卒章之勉以正何也觀首章言邦 則子之心固可以無愧而母之心亦可以自慰矣 可以私返而子之使則未當不可以私往也歲時問安 伯兮

之禁兮則其夫之才必有大過人者豈其於事上保 言披者見地非一處而莫不盡為禾黍也是以使我行 定也謂我心憂者知我者也而亦非能有以解我憂也 身之道有不待勉而後能故不及言數 **彼宗廟之墟則既有黍矣彼宫室之墟則復有稷矣两** 靡靡則足欲前而不忍也心之揺揺則心若懸而靡 黍離

宫室所以奉至尊宗廟所以妥先王而今乃鞠為禾黍 謂我何求者不知我者也則亦美責於彼哉悠悠差天 數其遠而莫可詰也彼何人哉數其罪之不容誅也雖 怨雖然憂之怨之誠是也憂之怨之而付之無可奈何 徘徊顧瞻安得而不憂追思所以致此者又安得而不 不斥其人而所以追恨之意深矣 則非也周之王業公劉開拓之於盛太王創造之於歧 金文四人之三 總論

· 前無所見則已既已見之而且憂之且追怨之宣容付 一文王光大於豐武王成就於鎬皆在西都八百里之內 之無可奈何而已邪謂宜請於平王泣血嘗膽號令諸 都棄之而即安於東平王亦可謂不君矣行役之大夫 孫者正當以死守之而不去今乃無故舉八百里之舊 其土地則先王之土地其人民則先王之人民也為子 **医整師緝旅克復舊物諸侯見王之有志孰不奔走而** 

服從當是時晉之義和鄭之掘突既皆王室舊敷齊籍

詩解颐

繼衣所以為好賢之至者以其始終之如一也始之厚 豈特王之罪亦羣臣之罪噫周轍之不西有由矣夫 之臣者又寂無一人以為言則其偷安忍恥顏墮委靡 吾之甲兵侯國之財賦即吾之財賦也而王自棄之為 足以左右王室尚有宣王中與之志則倭國之甲兵即 太公之故基魯承周公之遺烈衛憑康叔之威靈亦皆

者不能保其終之不薄始之勤者不能保其終之不怠 權與之不繼益信緇衣為好賢之至 也而終或每食之無餘每食四簋者其始非不隆也而 欲其常接乎目議論欲其常接乎耳殷勤繾緣久而不 惟緇衣之好賢不然其改造改作既始終之無間而意 終或每食之不飽此詩人所以數其權與之不繼也觀 館授祭復前後之如一衣欲其常新栗欲其常繼儀刑 厭所以為好賢之至爾彼夏屋之渠渠者其始非不盛

時解開

弄九

段之為人以射則善以御則良以容止則甚習以材力 位也而國人愛之若此者宣盡出於公哉王教不明人 心不古顛倒是非混淆黑白固有不勝其可歎者矣 則甚武如是而甚不仁夫惟不仁所以欲紾兄而奪其 大叔于田

者果得為盡善乎仁人之於兄弟也亦親愛之而已矣

段之輕浮淺露如此固不得為善矣然莊公所以處之

總論

哉令莊公不然始則恣其所為而不問終則操之已蹙 完車乗不得以擅修卒徒不得以擅與則段雖欲為亂 愛弟之誠矣而又使吏治其私邑使彼城郭不得以擅 之以大邑富之貴之而無藏怒蓄怨之意既足以盡吾 教誨之而已矣使莊公之於叔段果能寵之以高位與 則莊公所以處段者無以異於舜之處象孰得而議之 惡乎敢夫親之而使其貴愛之而使其富既足以全吾 仁使吏治其邑而彼不得以妄為復足以全吾義若是 . 1, 1

之司直則必不諛說以求容而於事君之道盡矣既能 舍命不渝則必不徼倖而苟得而於守身之道得矣邦 亦可以為後世戒矣 叔殷之惡而書鄭伯克段于春秋復以甚莊公之罪其 以殘之也其不仁巳甚矣聖人録二詩於國風既以著 而不恕則是其予之者乃所以奪之也其寵之者乃所 明哲以保身又能忠直以事上此所以為邦之彦也 羔菜

蓋欲各供其職也酒食以養其身琴瑟以和其志蓋欲 為後一章相勉以徳業之交修 見其重不在物而在乎徳也前二章相戒以職分之當 親之皆來之之意問以遺之報以荅之皆贈之之意又 同享其樂也來者致其來贈者送其往順以愛之好以 而歸言其事之有常也弋而取之於外冝而和之於内 雞鳴而興昧旦而往言其時之有常也翱翔而往凫鴈 11 m = 1 1 1 1 詩解頤 1

女曰雞鳴

述賢妃警畏之心如此蓋天理之所以常存而人心之 男女之際人之大欲存馬節欲而循乎天理者賢君之 所以治也縱欲而滅夫天理者昏君之所以亂也此詩 雞鳴 K

田之大者非果不可治也先小而後大可也人之遠者

所以不死也其為君子之助不亦多乎

甫田

· 定四十十全十一 然而見其弁是小非不可以為大近非不可以為遠也 終不可至矣亦何益之有哉 果欲躐等則厭小務大而大終不可為忽近圖遠而遠 漸致不可躐等而欲速果循其序則總角之童可以忽 **車之不可以行於川猶舟之不可以行於陸檀木美材** 非果不可來也先近而後遠可也天下之理可循序而 許解晒 1

懸粗也言雖不肉食而不悔也既不傲倖而尚得不沮 粒食而不悔也不獵固不可以得獸而吾何取乎庭之 夫勞其力而無所用未有不悔者也而斯人之心則曰 獵也然欲狩獵者必之乎山林河干固非狩獵之處也 者必之乎原隰河干固非稼穑之地也非不可用以狩 之其如無所用何且車非不可用以稼穑也然欲稼穡 冝為車者也坎坎而伐之非不勤且勞也於河干而真 耕固不可以得禾而吾何取乎禾之三百也言雖不

勤者生財之道儉者用財之法聖人教人不越乎勤儉 時之久而享其樂於一時之暫則其生財也不匱而用 者人情之所喜然而不可以太遇也必也致其勤於三 而已夫勞苦者人情之所畏然而不可以不勉也逸樂 而數之曰彼君子者真可謂不素養者矣賛美之解也 抑而自悔其屬志如此亦可以為賢矣故詩人述其事 たるりことと 唐 蟋蟀 詩解颐 1

錐良士之長慮却顧亦不過如此而已矣豈不可以為 肉少者不飢不寒而於仰事俯育之間可以沛然有餘 巴矣女子之所當務者桑麻紡績而已矣誠使男女各 夫斯民之職不在乎他男子之所當務者稼穑狩獵而 蓋其職之所當為則廪有餘栗機有餘布老者衣帛食

無衣

財也有節矣猶恐其或過也又戒之以思其職之所居

武公之事人情所不與天理所不容王法所必誅而序 惡彼其請命於天子之使豈真知有王哉正以人心 不 戮其人為晉立君而後反則人紀既壞而復正王綱已 固當正名其罪命方伯連帥帥諸侯以討之隳其都而 非禮也不聞朝王而請命于其使尤非禮也為僖王者 附非假王靈則終不能以定晉也夫王不命馬而請之 以為美之失其旨矣且武公惟有無王之心而後動於 弛而復振文武之道復與於東周矣不此之圖 顧乃貪

ALI O ME A ALIO

诗解西

日中日

者所以著世變之窮而傷周之衰也 於實玩而爵命行馬其為長惡也大矣夫子不刪其詩 金牙四元人

信則欲其察之詳也曰舍之而無遽以為然則欲其聽 采苓於首陽之顛非必果無是事也而猶曰無遽以為

行况欲昧之以理之所無其計果孰得而行哉小人之

之審也能如是則錐誑之以理之所有其計且有所不

呢瞽或债小以成大或篩 虚以為實其為害也大牟

彩苓

患人君不能徐察而審聽之耳尚徐察而審聽之則造 言者無所過其情而被讒者亦可以免於禍矣 平王而有志者則於襄公之封冝荣命之曰戎為不道 之孫秦仲復敗死於西戎則二戎者固秦世讐也及幽 王為西戎犬戎所殺則二戎者又豈非周之世譬數使 案成與非子本兄弟也成之族既為犬戎所滅而非子 總論 詩解贈

**尚捷有功則主墳之錫土田之賜予宣汝愛若是則王** 矣既不能然乃曰能逐犬我即有歧豐之地夫歧豐之 轍可以不東式難可以必除而先王之譬亦可以少報 裁我先王是用痛心疾首夙夜不忘今予命 爾侯於西 為封不長蛇以薦食中國爾祖秦仲既被其害矣今又一 地與王之地也不惟其土地人民之不可棄抑先王之 土蕃屏王室爾其糾合倭伯統率師徒為予一人討之 墳墓在馬宗廟在馬宫室之美官府之富皆在馬如之 金灰四人人

先王之仇譬而不報棄先王之土地人民而不恤舍先 N I D . I J. J. O 使與王八百里之地悉歸于泰則泰之代與不待他日 王之宗廟墳墓而不顧隳先王之典章法度而不守卒 越勾践之志則必不若是怒矣故當謂平王之東也忘 之地封方百里者八以開方計之則又不止於是矣而 取然秦能取之王獨不能率諸侯以取之乎王而少有 何其可委之而去也且先王之封國有常制矣八百里 旦舉而界之於泰籍曰其地已為犬戎所侵令其自 持解兩

獲而息此皆創見而深喜之之辭也 之善也一章言其往而狩二章言其狩而獲三章言其 公于狩便嬖使令之多也至于拾扳則獲則又言其射 腳鐵孔阜馬之良也六轡在手御之良也公之娟子從 而其兆已見於此矣可勝歎哉

章言其車之善二章言其馬之良三章言其器之備

言其德之和易厭厭則言其德之安静秩秩則言其德 以如是之兵甲復如是之寇響此其於跨之辭也温則 辭也西戎者秦人不共戴天之警也故後警討賊之義 之有常以如是之君子而親如是之勞苦此其関情之 亦可以少愧矣 不特其君知之其卿大夫知之其國人知之雖行役者 一婦人亦無不知之而其形於言者如此東周之君臣 兼段 詩解頤

**钦定四車全書** 

慕之意而無教慢之情則必指賢人之肥逐者惜不知 誠求之而已所謂伊人雖不知其所指然味其詞有敬 終不可見乎孔子曰未之思也夫何遠之有亦在乎心 順流而下以求之歟則錐近而不可至然則斯人也其 將欲使之逆流而上以求之數則既逐而不可即將欲

其何人耳篟說以為未能用周禮者非是

白露為霜言其時之幕也在水一方言其居之遠也迫

之以時之暮限之以水之遠所謂伊人果若何而求之

與子同袍恩爱相結於無事之時也與子同仇惠難相


恤於有事之日也先王之時居而為比閣族黨之民出 要非一日之積美岐豐之地雖已屬泰然猶有先王之 而為伍兩軍師之衆其所以使之相保相愛相扶持者

從其君之私也誠欲其君奉王命而為討賊復讐之舉 遺民馬故其所以相告語者如此然曰王于與師則 也惜也周既不能以此而令諸侯秦復不能以此而匡

大きョー・

詩解颐

四十八



月出之詩其悦之也至矣其思之也切矣其爱之也深 **拓隱未嘗不可與娛也此皆其無求自足之意也** 月出

徳如好色者也 矣移是心以好賢亦將何求而不獲哉惜也吾未見好

衛之亂至於牆有茨而極于是有狄入衛之禍陳之亂

至於林林而極於是有楚入陳之禍然則狄非能入衛

文 こヨーニュョ

詩解爾

艺

色之哀心志之思慕皆可即是而見之夫惟表裏之相 哀遽之狀樂樂以言其毀稱之形則是其衣服之變顏 稱本末之無善所以為賢惜乎令之不及見斯人也則 三年之丧非終其服之難情稱其服之難也執以言其 謂女戎也比事以觀可以為淫亂者之戒矣 也宣姜實召之也楚非能入陳也夏姬實名之也此所 檜 素冠

周道者遼周之道也周之盛時其君則文武成康其臣 安得而不勞心博傳呼 匪風

供百役者若百川之赴海蓋靡日而不有也而今也征 則周召毛畢東諸侯之朝覲聘問與其臣民之往來以


暇而 遭周者寂乎其無聞也則安得不為之怛然而悲

傷乎夫惟遼周者之寂然也故又重言以結之曰孰有

伐之煩會盟之數吾小國僕僕馬奔走以事大國之不

一金定匹人全書 首章即其儀之一而知其心之誠二章即其服之盛而 能西歸者乎有則我願慰之以好音所以傷夫令王之 章言由其國之治故福有以裕其身前三章皆領美之 知其他之稱三章言由其身之修故化有以行於國四 不如古而又以重歎夫令人之不知有王也 辭末章胡不萬年則祝願之辭也 曹 隝鳩

衣而後食故以七月為首也大寒之候在於丑月而圖 日其為豫備可知若寒至而後索衣飢至而後索食則 之於建申之時收成之候在於酉月而應之於建寅之 之備三陽之月陽氣始盛故于是而豫為治田之備先 七月為首者三陰之月陰氣始盛故于是而豫為禦寒 七月之詩以衣食為急而衣食所資以豫備為貴必以 七月首章



肚者之供也蠶績皆成然後染之或以為玄或以為黄 給昏嫁奉君上而已非績麻以為布則固無以為少者 賜之候而續其麻以為布蓋蠶之所成者可以供老疾 **蠶事之始也此章於桑之大者條取之桑之小者符取** 月雀華既成而豫蓄之以為曲薄為明年養蠶計也 |章求稱桑以養其始生者釆白萬以洗其未生者此 一章於春日而求桑以養蠶為今年授衣計也此章於 )蠶盛而大小畢取此蠶事之成也蠶事既成又於鳴 

之厚如此豈一日之積哉 而其朱者尤為鮮明且以供上而為公子之裳其風俗 四章

四月純陽而微陰已萌葽感之而奎秀五月一陰成象 蜩感之而始鳴八月正秋物成而禾之蚤者可獲十月

陰氣已極而木之隕者為釋四者見陰氣以漸而至而

将寒之候也西北地寒非孤船之厚無以禦之然貉賤

而孤贵贱者以自奉贵者以奉公也至於二之日則又

馬於來則私其賤而奉其贵於物則私其小而奉其大 竭作以狩續繼武功而私其一歲之稅獻其三歲之新 貴賤同之所以廣其愛也 奉必先老而後幼先貴而後賤獨於改歲入室則老幼 而至於墐户入室所以盡人事之當為雖民於衣食之 其簿於已而厚於君如此 由動股而至於入我牀下所以感時物之屢變由穹室 五章

M. S. F. G. S. C. C.

詩解頗

季三

之剥而春酒之為皆介眉壽之事介有助之之意則非 此章當看介眉壽食農夫六字機等真之食奏殺之事意 六章

食內乃老者之常而果酒嘉疏則又於常食之外專以

壶直茶老者未必不食也而不可以為常於以見食稻

酒嘉蔬非不可以及少也而供老疾奉賓祭之意多瓜

皆食農夫之事食有養之之意固以是為常矣然則果

以為常食也瓜之食壺之斷直之权茶之采而樗之新

**逃人之老所以無凍發也數** 此而致其助也有常食以養之而又有美味以助之此 七章

納之也有以見歡欣鼓舞之意於其亟而東之也有以 方桑者可以少幾也而復念夫農功之當始於其築而 稼之既同者可以少休也而即念夫邑居之雷修屋之

灾定日事 全書

詩解随

五

始終此所以為厚也數

見勸勉戒飭之意事有始終而其憂勤艱難則無間於

鸱鴞之於衆鳥有攫其子而食之者矣而鳥不以子之 為甚速故其開冰也獻羔以祭司寒祭韭以薦寢廟君 鑿冰藏冰其供上役也為甚勤肅霜滌場其畢農功也 既得以致其誠於神其務閉也殺羊以獻於公舉酒而 祝其壽民復有以致其忠愛於君可謂上下相親之甚 鴟獡 ハ章

責邪于是拮据于是蓄租于是手口交病卒之羽殺尾 室之毀者福患之不測也養育之勤而補華之勞者已 鳥不以巢之既毁而遂)廢其補葺之勞也蓋子之殘而 敝以成其室而未安也則其作詩以遺王亦不得而不! 猶未能毀其室也而纏縣補葺之勤周公果可以辭其 之常理也哉若武康之敗管察則比之於鳥雖取其子 分之當為也豈可以福惠之或至而遂廢其室家嗣續 既失而遂廢其生育之勤也有毁其巢而破之者矣而 大元ョーン 15 詩解陋

之人亦樂於効力而不患上之不我知也東山之詩述 聖人之所以能感人者以其以已之心度人之心而下 山之安磐石之固哉 果孰能感悟王心解釋羣疑誅討亂賊以措國家於泰 伺間於其側國勢之危甚於風雨之漂搖非周公至誠 汲沒矣噫當是時王心疑於上羣情感於下亂賊乗 其歸而未至也則凡道塗之遠歲月之久風雨之凌犯

室家之以久而怨思皆其心之所苦而不敢言者我則 歸而在塗之時而上之人能與之同其憂莫喜於歸而 皆其心之所願而不敢言者我則有以發揚之莫苦於 而相見固可樂未有室家者其既歸而新昏尤可樂此 爲之和鳴而人情和悅適與景會舊有室家者其既歸 有以慰勞之及其歸而既至也則覩天時之和暢聽禽 相見之時而上之人能與之同其樂樂以天下憂以天 

飢渴之困烦裳衣之以久而垢敞室廬之以久而荒廢

下然而不王者未之有也其是之謂歟 金庆四月月三 總論

或曰以周公而誅武康猶以千鈞之重而壓乎鳥卯之

其浸漬於西土者雖深而漸濡於殷邦者猶淺其頑民 

染於商辛之舊習者未盡變其賢士懷於先王之遺澤

者未盡泯一旦改商而為周其眷眷思念之意固未遂 釋然也况又益之以管察之流言在我者有釁之可來

所誅者不過武康管蔡而已其於殷士殷民不戮一人 將不必斧鉞干戚之用而罪人斯得矣卒之三年之久 **蒟懇懇乎譬民之戒飭使人晓然知逆之不可以犯順** 則固不可勝誅將以化之則又非一朝一夕之所能也! 邪之不可以干正則自然有以剪其羽翼而披其枝葉 故衮衣編裳舒徐容與於東山之下諄諄乎友邦之訓 而天下服則周公之於殷無非以力勝之也以他化之 乎周公之東征也將以誅之耶將以化之耶將以誅之

**手解**顶

藍矣 之苦而無死亡之患則問公此舉可謂仁之至而義之 新定四月全元 -也惟其以徳服人也故軍士之從公而東者雖有別雜

破斧

武王一戎衣而天下定四國既莫敢不一於正矣及管

者不足以犯我之順也辭之曲者不足以抗我之直也

蔡以武庚叛而四國復有不正者馬周公之東征也固

將以我之正正彼之不正也而孰能禦之也哉理之逆

向之不正者復反於正矣蓋其臣四國即所以哀我人 鴻飛而戾天冝也而有時乎遵渚復有時而遵陸則亦 作於軍士然亦可謂知聖人者矣 即天地生物之心故其功即天地成物之功也是詩雖 匡四國者以其功言也哀我人者以其心言也惟其心 氣之餒者不足以敵我之浩然也戮一人而天下服 則 

ア こり ことる

詩解項


暫馬而已耳公歸而在朝宜也而於此乎信處於此乎


而迎公者天下之公論一人之私情不足以勝天下之 有迎公以歸者而使我心悲矣蓋留公者東人之私情 東方有此服衮衣之人此固東土之幸也然相位不可 公論此東人所以拳拳於公雖欲挽而留之而卒不可 以久虚君徳不可以無輔人心天意不可以久哪則必 狼跋

信宿則亦豈父於是哉夫惟其信處信宿於此也是以

7. 1.

卷一





A Transfer of the Art 第二十三頁前二行殆庶幾乎夫子所謂可以怨 第二十一頁後四行乃可以自免于患矣刊本免 第三頁前二行則必因師以致告刊本因師訛師 謹案第二頁前三行蓋能敬則能靜存動察刊本 因今改 重行静字令刪 者矣刊本以訛與今改 訛勉令改

第五十七頁後五行四國既莫敢不一于正矣刊 第五十四頁前五行於其祭而納之也刊本於其 第五十七頁前八行則周公之於殷庶刊本殷庶 訛庶殷今改 本敢不說不 敢令改 批其於今改



腾绿監生 E 沈改晉校對官編修 E 閱博大